

» Filippo et uno Zan de Corso homo da mar per el ditto ser Nicolò  
» Michiel fo menadi a palazzo e tormentadi per li cai di X el ditto  
» Zan de Corso confessò el ditto tradimento et che el doxe iera  
» dentro e cussi senza tormento el ditto Filippo Calandario confessò  
» di lui e del doxe e di tutti li altri traditori. E vezando li consieri  
» e cai di X ch' el fatto non iera da beffe e che di zerto il doxe  
» iera nel tratado comenzono a tratar e proveder senza il doxe.  
» E deteno a saver a tutti i zentilhomeni di la Terra che in quella  
» notte i fosseno con le sue arme in li soi campi di le contrade  
» con tutta la bona zente di la contrada. E poi fatti vegnir tutti a  
» la piazza per guarda di quella: e fo fatto aregolar queste cose  
» di la piazza per Marco Corner il qual iera sta eletto capitania de  
» un armada che dovea uscir di Viniexia la qual capetaniaria da  
» poi refudò. E fo fatto in so luogo ser Bernardo Zustignan. Hor  
» el dito ser Marco Corner era a varda di la piazza. Et ser Fantin  
» Moroxini et ser Zan Dandolo Can, che erano soi soracomiti fonno  
» messi a guarda dil palazzo con zente. Et fatto vegnir da Chioza  
» molta bona zente con ganzaruoli ben armadi e cussi tutta la notte  
» si stette con questa bona zente con le arme in la piazza adi 16  
» april e tutta la notte seguente e tutto il venere adi 17 con tanto  
» ordine per quel fo ditto per molti forestieri che veteno e tanto  
» quieto come fosse mai vezudo alcuna zente per novità che occor-  
» resse in alguna città. Et molti nobeli di Veniexia e altri ricchi  
» popolari fonno a cavallo ben armadi e apariadi da cerca 80 in  
» 100; i quali di e notte non cessavano mai in più poste partidi  
» andar per la piazza vardando, regolando et confortando a posta  
» a posta a honor e bon stado di la Signoria di Veniexia. E tutti  
» ierano de un voler e molto fo comendado esser uteli li homeni  
» da cavallo. E fo opinion di molti savij homeni, che in quelli do  
» di e una notte fusse su la piazza chi dixè 6000 chi 8000 per-  
» sone sì ben armade che sariano stadi da far bon conto in tutte  
» le parte del mondo. E tutti di un voler sì zentilhomeni come po-  
» pulari desiderosi justitia si facesse di traditori azò Veniexia